



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Consilia || Salomonis, || Sive || Collecta Salomonis || Axiomata**

Maxime Necessaria Homini, ut se ipsum sapienter dirigat ; E Gallico In  
Latinum versa, revisa & amplicata per Auctorem, cum Indicibus  
necessariis

**Cureau De Lachambre, Pierre**

**Coloniæ Agrippinæ, 1694**

Regula I. Veritatem eme, & noli vendere sapientiam. Prov. 23.

**urn:nbn:de:hbz:466:1-37935**

animum, quod sis pusillanimis, ignavus,  
& hominum ingratus; Sed non  
habeas humilitatem damnatorum, &  
non dicas, quod tua salus excedat tuas  
vires.

Roga & exora Deum, ut tibi det id  
quod tibi mandat, offer te ipsi & pete  
ut id quod sibi placet, tibi imponere  
mandare velit.

## ARTICVLVS SECVNDVS

### *De Regimine Rationis.*

#### REGULA PRIM A.

*Veritatem eme, & noli vendere Sa-*  
*piantiam. Prov. 23.*

#### PARAPHRASIS.

*Conare acquirere, & attende, ne vende*  
*id, quod plus valet, quàm omne au-*  
*rum & argentum totius mundi.*

*Eme Veritatem, sed non amitte Sapien-*  
*tiam, non separa has duas virtutes*  
*posside utramque.*

*Ut Veritas sit in tuo ore & loquelis, Sa-*  
*pientia verò in tua mente & cogita-*  
*tionibus; Quando de una vel altera*



re iudicas, recognosce eam benè, & non te ipsum decipias; Quando verò de ea loqueris, non mentiaris, & non decipias eos, qui te audiunt.

Sapienter cogita, & sincerè loquere. Uno verbo aspira ad statum magis perfectum & magis altum, quo ratio & intellectus hominis elevari potest. Hoc cordis habeas, nihil credere & nihil loqui, quod non sit verum; Sis sapiens & sis sincerus. Veritatem eme, & noli vendere Sapientiam.

## REFLEXIO.

**H**Æc est gratia pretiosa, esse sincerum, & non succumbere ad aliquam iniustitiam, aut hujus adulationes, dum te volunt inducere, ut dicas aliquid mendacium, & prodas tuam conscientiam.

Plerique emerunt hanc gratiam proprio sanguine, & dederunt pro ea id, quod charissimum in mundo habuerant: Nulli pretio parcas, & si illam necdum habes, eme ipsam pro quocunq; pretio. Quidcunq; dederis minùs quàm illa valet. Non timeas mori: time vivere sine re-  
puta-



putatione, quod sis tui verbi tenax, & minus ames veritatem quàm unam vitam mortalem, & unam miserabilem fortunam. *Erge Veritatem.*

Insculpas cordi tuo hanc regulam quam quidam sapiens Princeps scripsit digito super labia filii sui: *Potius perire quàm mentiri.* Magis odio habeas mendacium quàm ipsam mortem: quam vocetur in societatibus innocentissimum inter alia peccata, & in aulis peccatum necessarium, voca tu illud infamissimum naturæ & insupportabilissimum homini honorato, & conscientioso.

Et quia in anima tua geris expressam imaginem Veritatis divinæ, tibi applica id quod Salamon de Regibus dixit quod qualecunque ornamentum tu possis dare alicui mendacio, id tamen infamissimum tuo ori foret.

Nulli decet nisi Angelo illi superbo qui illud pro caractere elegit, & qui per illud incepit esse horror naturæ, transformari in Dæmonem.

Prima propositio quam fecit Angelus



in cœlo, fuit mendacium; primum verbum quod pronunciavit super terram, fuit itidem aliud mendacium, quod homini exposuit: Prima cogitatio quam habuit in ingressu ad infernum, & prima resolutio, quam ibi sumpsit ad vindicandum se contra Deum, fuit in æternum mentiri. Et denique prima promissio quam sibi ipsimet fecit pro consolatione suarum pœnarum, fuit, omnes homines ad mentiendum inducere, & invenire medium, quo possit dilatare suam corruptionem, & suum proprium peccatum, eò usque quò dilatatum fuit peccatum primi hominis.

Resolutio heu! in qua fuerat nimis felix, & quæ ei usque ad hodiernum diem per sex mille succedit annos: quis est enim ille homo, qui non mentiatur? Infantes mentiuntur in cunis & inter brachia innocentia: Philosophi, & ipsi Sancti in scholis Sapientiæ & in ipso throno veritatis. In quovis statu & in quavis ætate; Inter omnes qui peccarunt in Adam, & qui potuerunt loqui, non fuerat ullus, qui non mentitus fuisset.

C

set

Constituta  
Sapientia  
C. 11  
41. 1





set, & qui in ore & lingua non circumtulisset hanc Dæmonis imaginem.

Non eam tuo relinque ori, remove quod residuum est de hac infelici inclinatione, & detestare hoc fatale peccatum. Politici super eo student, multi illo suam sumunt recreationem, & in eo ponunt artem & scientiam. Et quod fecerunt magni homines, nomen tui cordis abominationem; Confide & tene illud pro errore indigno, & infami accidente animæ nobilioris.

Verùm si pudet mentiri & deciperi non minus pudeat decipi à mendaciantibus. Libertas & sinceritas sunt virtutes magni pretii, posside illas, pro possidendis illis non vende tuam prudentiam.

Est enim lumen, quod sicut oculis necessariò possidere debes, confere eam & recordare, quod aliàs in nocte & tenebris vivas.

Deceptiones, præcipitia, & tenebre sunt super terram, non ambules, non progrediaris, nisi illuminatus, ubi sis, quid circa te sit.



Vides multos ignes volatiles & igni-  
as exhalationes, attende ne eas accipias  
pro facibus, & nota tibi inter tuas re-  
gulas, quod major infelicitas & contu-  
melia, quàm maximè timenda homini  
rationali, sit, sequi luminaria contrafa-  
cta, & esse ludibrium nequitia & hypo-  
crite.

Recognosce homines, qui tecum  
tractant, aut qui te accedunt, habe scien-  
tiam legendi in eorum cordibus, quando  
tibi loquuntur, & ex materiis, quas tibi  
dicunt, intelligendi eas, quas dissimu-  
lant.

Distingue veram modestiam à falsa,  
& non permitte te decipi, dicit Salamon,  
per tales homines, qui sub facibus mo-  
destis & affabilibus, ac devotis loquelis  
ferunt in cordibus suis septem sortes ne-  
quitia & veneni, ad diffundendum in  
cor tuum.

Magnæ deceptiones eligunt ordina-  
riè magnas virtutes, ut exindè sibi fa-  
ciant velum se cum eo tegendi, &  
quando dictæ deceptiones sunt sub hoc  
velo, & dum tibi loquuntur, omnis illo-

Constituta  
Sapientia  
Omnis  
41 d





rum labor in hoc consistit, ut benè cotrofaciant vocem innocentia & amicitia: & hæc est inventio primi Traditoris & Deceptoris, qui in hoc mundo apparuit.

Id quod adhuc omnibus Traditoribus & Deceptoribus in hodiernum diem succedit; Quam enim sæpè sub faciebus & linguis quæ nostram attrahunt confidentiam, per affabilitates Angelicæ coperiuntur animæ diabolicæ? Humana prudentia omnia facit, ut id discoperiat: adhibe veram Sapientiam, cuius proprium est, ex oculis hominum, & eorum loquelis videre eorundem corda penetrare illorum intentionem.

Si eam habes, non derelinque illam propter adulationes amicitia & propter actus devotionis. Conserva illam tan benè, ut in omnibus negotiis & occasionibus, ii qui tecum agunt & tecum loquuntur, accipiant te pro tali homine, cui æqualiter impossibile est, decipere & decipi.

Ad minimùm non ignora quatuor res aut causas magis necessarias, quam

ordi



ordinariè magis incognitas, & magis occultas. Tuos proprios errores; cogitationes hominum; secreta naturæ; & veritates ipsius Dei.

Habemus apud nos ex beneficio providentiæ & gratiæ lumina ordinata ad has indagandas causas, & eas facillimè cognoscendas. Cognoscemus enim nostros errores & misérias ex lumine conscientiæ; Cogitationes & intentiones hominum, ex lumine experienciæ & Judicii; Secreta & miracula naturæ ex lumine Philosophiæ; & denique magnitudinem Dei & mysteria Religionis ex lumine fidei.

Sed ipsa felicitas ad quam debes aspirare, est, ut ipsa Sapientia seu Prudentia sit quintum & supremum lumen.

Quia sicut hæc lumina & accensæ faeces possunt aliquando extinguí, exercitium hujus Sapientiæ aut Prudentiæ est, eas semper accensas retinere, ut lumen in nocte & periculis nobis non desit.

Nimis multum dico: si vis meditari, omnia invenies in his duobus verbis: *Veritatem eme, & noli vendere Sapientiam.*

C 3

R. E.

consilia  
Sapientie  
Omnia  
ad d

